



ZDRUŽENO Po nalogu pravosudnih i policijskih agencija BiH i EU

Velika akcija u borbi protiv međunarodne trgovine ljudima radi prostitucije

U Njemačkoj, Austriji i BiH akcija usmjerena na otkrivanje lanca organiziranog kriminala
 ● Pretresi sinoć izvršeni i na području Sanskog Mosta

Tačno u 18 sati sinoć je na dogovorenu naredbu na području Njemačke, Austrije i BiH počela akcija usmjerena na otkrivanje međunarodnog lanca organiziranog kriminala, povezanog s trgovinom ljudima radi prostitucije, a koja se provodi po nalogu tužioca Tužilaštva BiH, saopćeno je iz ovog tužilaštva.

Maloljetne žrtve

Među žrtvama nalazi se veći broj osoba s područja balkanskih zemalja, među kojima, prema operativnim podacima, ima i maloljetnih osoba.

Kako je navedeno u saopćenju, na terenu u BiH sinoć je pretrese vršilo više desetina pripadnika SIPA-e, a do zaključenja ovog izdanja našeg lista nije saopćeno na koliko tačno lokacija su pr-



Duga i temeljita istraga

- Akcija je rezultat duge i temeljite istrage pravosudnih i policijskih agencija Republike Njemačke, čiji su tužioci i istražitelji mjesecima radili zajedno s kolegama iz EU na otkrivanju ovog lanca organiziranog kriminala. Radi se o velikoj međunarodnoj akciji koja se provo-

di u više zemalja, a Tužilaštvo BiH ostvarilo je značajnu saradnju s partnerskim pravosudnim i policijskim agencijama Austrije i Njemačke, čiji su predstavnici u okviru radnih sastanaka u proteklom periodu boravili u BiH - saopćeno je sinoć iz Tužilaštva BiH.

Na terenu u BiH više desetina pripadnika SIPA-e

(Foto: Arhiv „Avaza“)

etresi izvršeni, niti da li je i koliko osoba uhapšeno.

Kako saznaje reporter „Avaza“ iz Sanskog Mosta, pretres je izvršen u ta-mošnjem naselju Jezernica.

Blokada puta

Pripadnici SIPA-e pretres stambenog objekta u ovom naselju, a u kojem žive, kako smo saznali, strani državljani koji imaju problema sa zakonom u nekim evropskim državama, prvenstveno Njemačkoj, izveli su u velikoj tajnosti.

U taj objekt, kao nezvanično saznajemo, dolazili su

i turski državljani u skupim automobilima s njemačkim tablicama.

Prilaz ovoj kući sinoć je bio nemoguć, jer je policija službenim džipovima blokirala put i kontrolirala prilaze iz svih pravaca.

Svaki prolazak pješaka ili automobila praćen je snajperskim puškama s infracrvenim zracima. Veliki broj mještana Jezernica koji žive u blizini morao se vratiti i čekati da se akcija završi kako bi prošli.

Kako „Avaz“ saznaje, pripadnici SIPA-e su izvršili

pretres i jednog ugostiteljskog lokala u centru Sanskog Mosta, u kome se, navodno, okupljaju mlade djevojke, a koje bi, eventualno, mogle biti objekti organizirane trgovine ljudima u svrhu prostitucije u zemljama zapadne Evrope.

Akciju pretresa pripadnici SIPA-e obavili su bez asistencije policije MUP-a Unsko-sanskog kantona. Ovakav postupak tumači se eventualnim onemogućavanjem curenja informacija o akciji.

E. D. A.

Njemački 'Bild': Učestvuje 800 policajaca

- U međunarodnoj akciji protiv trgovine ljudima u vezi s prostitucijom sinoć su stotine policajaca pretresali javne kuće, stanove i radnje u Njemačkoj, Austriji, BiH i Rumuniji. Samo u Njemačkoj više od 800 policajaca

učestvuju u akciji, obavljenoj u gradovima Baden-Württemberg, Bajern, Hesen, Nordrhajn-Vestfalen, Zarlant i Zahsen Štat. U Štuttgartu je uhapšeno pet osoba - objavio je sinoć utjecajni njemački list „Bild“.